

Keraja lebih kuat: Dr. M

20 JUN 1971

KUALA LUMPUR, Khamis — Datuk Seri Dr. Mahathir Mohamad hari ini mengingatkan kepada orang-orang Melayu bahawa mereka akan kembali ke kedudukan dalam zaman penja-jahan skiranya mereka tidak bersedia memutuskan per-gantungan mereka kepada orang lain untuk maju.

Katanya, walaupun sikap selalu bergantung kepada orang lain "untuk kescnangan hidup" itu merupakan satu ciri kehidupan orang Melayu di zaman penjajah dulu, ia masih diamalkan oleh setengah-setengah golongan.

Timbalan Perdana Menteri menegaskan, "kemerdakaan telah membolehkan orang-orang Melayu mencuba

kuasa politik dan pentadbiran serta menguruskan pertahanan negara sendiri.

Bagaimanapun, dalam bidang yang memerlukan kecekapan dan kesungguhan bekerja, mereka masih ketinggalan.

"Kita masih Ocrnarap kepada orang lain bukan sahaja dalam bidang kerja yang memerlukan kepintaran dan kecekapan, tetapi dalam kerja yang berat sedikit atau, kotor sedikit atau Lidak selesa sedikit kita masih tidak sanggup dan masih bersifat dependent," ujar beliau.

Kcadaan ini diburukkan pula oleh golongan-golongan tertentu termasuk dari kalangan masyarakat Melayu yang sengaja menyebarkan dakyah-dakyah tertentu untuk menjadikan bangsa mereka sendiri lemah, tidak mahu bekerja keras dan berpura-pura.

Datu-k "Seri Dr. Mahathir yang juga Timbalan Presiden UMNO memberikn ingatan ini dalam amanatnya ketika merasmikan pembukaan serntaf Perhimpunan Agung Tahunan Pergcrakan Pcmuda dan Wanita UMNO di Dewan Bahasa dan Pustaka di sini.

Timbalan Perdana Menteri berkata, orang-orang Melayu harus diingatkan apabila mereka menjadi sombong dan bongkak kerana kuasa, apabila mereka tidak lagi menuntut ilmu kera-

na kuasa boleh menguasai ilmu yang ada pada orang lain, apabila orang Melayu tidak lagi mahu bekerja atau memikul senjata untuk mempertahankan diri, maka alamatnya ialah orang Melayu sudah separuh jalan ke arah kemusnahan.

Program

Katanya, "titik-titik ocrmulaan nilai-nilai buruk ini" di kalangan orang-orang Melayu sudah pun mula kelihatan.

Menurut Datuk Seri Dr. Mahathir apa yang diperlukan dari orang Melayu sekarang bukan lagi "politik jaguh mendesak", tetapi pnyerapan semula satu sikap dan sistem nilai yang mulia yang sudah dipisah dari mereka oleh penjajah.

Beliau kesal walaupun usaha UMNO dan rakan-rakannya dalam Barisan Nasional setakat ini sedikit sebanyak telah berjaya memperbaiki kedudukan orang Melayu, masih ramai orang Melayu yang mencari jalan mudah untuk mencapai sesuatu seperti yang pernah diamalkan oleh nenek moyang mereka dahulu.

Akibat dari sikap seumpama ini, program-program yang di-

jalankan, oleh Kerajaan tidak dapat mencapai matlamat yang dihasratkan.

Katanya, kesungguhan Kerajaan yang disokong oleh tenaga dan peruntukan yang sbanyak-banyaknya dalam penyusunan semula masyarakat sepatutnya sudah lama mencatangkan hasil.

"Tidak ada langkah yang perlu diambil yang tidak diambil oleh Kerajaan, undang-undang jentra pentadbiran dan peruntukan wang, senuanya disediakan supaya kepentingan rakyat tidak terganggu-gugat.

"Jika kuasa Kerajaan boleh mengatasi segala-galanya, hari ini Malaysia tidak ada masalah lagi.

Mencuba

"Sepatutnya hari ini kemiskinan sudah dibasmi 50 peratus dari yang terdapat pada tahun 1970, dan masyarakat Malaysia yang majmuk tidak lagi terbahagi dan terpisah mengikut kaum dan kegiatan ekonomi masing-masing," ujar beliau.

Timbalan Perdana Menteri menegaskan tidak ada negara membangun atau yang sudah maju yang biasa mencuba satu program penyusunan semula

masyarakat yang begitu radikal seperti yang dicipta oleh Dasar Ekonomi Baru.

Malaysia memperlhatikan satu revolusi yang tersusun untuk menukar satu bangsa yang mundur kepada satu bangsa yang kemas dan maju yang boleh mempertahankan nilai-nilai lama yang baik di samping menyicrap nilai baru yang penting.